

Vuk'uzenzele



Produced by Government Communications (GCIS)

English/isiNdebele

| UMrhayili 2018 UmGadangiso 2

Bridge brings relief for KZN learners



■ KZN MEC for Transport, Community Safety and Liaison Mxolisi Kaunda with local learners who now arrive on time for school.

GOVERNMENT is ensuring that children don't have to cross dangerous rivers to get to school.

Nomfundo Mcetywa

Facing crocodiles and possibly drowning while crossing UThukela Riv-

er to get to school is no longer a reality for learners in KwaDukuza and KwaMaphumulo. This after the KwaZulu-Natal Department of Transport built two bridges

which cross the UThukela River. The Nyakana UThukela River Bridge, which cost R89.5 million to build serves the Mankenganeni community which is locat-


ed on the northern side of the river. The bridge links the Umhlabeni and KwaDukuza local municipalities

● **Cont. page 2**



New App to bring faster service delivery

Page 4



New space weather service to benefit Africa

Page 9



ALSO AVAILABLE ON:



@VukuzenzeleNews
f Vuk'uzenzele

Websites: www.gcis.gov.za
www.vukuzenzele.gov.za
E-mail: vukuzenzele@gcis.gov.za
Tel: (+27) 12 473 0353

Free Copy

“Education is the most powerful weapon which you can use to change the world.”

Nelson Mandela



Kumsebenzi weSewula Afrika ukufundisa ilutjha

URHULUMENDE uphumelelisa ukuzibophelela kwakhe ngokunikela abafundi abalungelweko ifundo ephakemeko yasimahla.

More Matshedisio

UNgqongqotjhe wezeFundo ePhakemeko nokuBandula u-Naledi Pandor uthi iSewula Afrika ingakghona ukunikela ngemifundalize ebentwaneni abathomako emayunivesithi nemaKholiji weFundo yamaKghono neBandulo leThekhnikhali (ama-TVET) bemindeni edobha phasi naleyo enababelethi abangarholi kokuyaphi emnyakeni lo wee-2018. UNgqongqotjhe u-Pandor uthi kumSebenzi welizwe ukusekela imindeni ethagako nedobha phasi.

Begade akhuluma emhlanganweni weembikiindaba lapho aveze khona ikambiso ezokulandelwa nakusatjalaliswa ifundo ephakemeko yasi-

mahla ngeSewula Afrika.

UNgqongqotjhe u-Pandor umemezele bona urhulumende usise ngokungezelela ngamabhiliyoni ali-R7.166 ukusekela imifundalize ezakunikelwa abentwana abaphuma emindeni edobha phasi nenababelethi abangarholi kokuyaphi abathomako emayunivesithi nema-TVET kilomnyaka.

UNgqongqotjhe u-Pandor uqinisekise bona amabhiliyoni ama-R4.581 abekelwe abafundi beyunivesithi abalungelweko namabhiliyoni ama-R2.585 wabafundi bemakhholiji we-TVET.

Ngomnyaka wee-2017 urhulumende wamemezela bona ifundo ephakemeko izakuba ngeyasimahla ebafundini abadobha phasi nalabo ababuya emindenini leyo ingenisohlanganyela yayo yaqobe mnyaka

izii-R350 000.

Abafundi basekelwa ngaphasi kwehlelo lemifundalize elinatjisiweko, elijamiselela langaphambilini elalihlanganise ukubolekisa nokunikela ngomfundalize onikelwa siKhwama seliZwelo seSizo leeMali zokuFunda (i-NSFAS). "Isabiwosisekelo se-NSFAS sokusiza abafundi beyunivesithi nebema-TVET abadobha phasi nebemindeni engarholi kokuyaphi sizokukhula ukusukela kumabhiliyoni ali-R9.849 ngomnyaka wee-2017/18 ukufikela kumabhiliyoni ama-R35.321 ngomnyaka wee-2020/21.

UNgqongqotjhe uthi, "Lokhu kubiza isidingo sokukhuphula izinga lokwenza izinto ngcono kwe-NSFAS. Singezelele ngeengidi ezili-R105 ngokweTlhatlha leQhinga leeMali lesiKhathi esiPhakathi komNyaka (i-MTFSF) ngomnqopho wokusiza i-NSFAS ukuqinisa ikghono layo lokulawula".

Abafundi abalungelwe kufumana isizo, emnyakeni



Isekela likaNgqongqotjhe wezeFundo ePhakemeko nokuBandula, u-Buti Manamela noNgqongqotjhe u-Naledi Pandor banoSihlalo we-NSFAS, uSizwe Nxasana.

yokufunda ngokulandelana kwayo, abatlolisele isitifikedi selizwe loke (samakghono) emakhholiji we-TVET wombuso – bazakufumana ifundo yasimahla ngomfundalize weemali zesikolo neyeentlabagelo zokufunda.

Ukungezelelwa kwesekelo leemali lomnyaka wee-2018/19 kuzakusiza abafundi abazinkulungwana ezima-458 875 ukobana bafumane imifundalize.

Abafundi bemakhholiji wa-

ma-TVET abalinganiselwa ee-50 480 abanelisa iindingo zefuneko yezeentuthi, yeendawo zokuhlala nokugoma, nabo bazakusekelwa, kanti abazii-82 600 bazakufumana isibonelelo seentuthi.

UNgqongqotjhe uthi isabelomali esitjhesi silindeleke ukusekela okungasenanani iinkhala ezizii-83 200 kezizii-208 000 (ekuma-40%) zabafundi abathomako emayunivesithi ngomnyaka wee-2018.

V

UmNyango WezangeKhaya Ulwisana Nemijeje Emide

AMASEWULA AFRIKA azokukghona ukufumana isizo elinqophileko nelamsinya ema-ofisini womNyango wezangeKhaya.

More Matshedisio

UmNyango wezangeKhaya uzokuhloma ihlelo elitjha lokwenza umsebenzi elizokongela amaSewula Afrika isikhathi ngokuqeda imijeje emide.

NgokukaNgqongqotjhe wezangeKhaya uMalusi Gigaba imijeje emide ibangelwe bunengi babantu, ukutlhayela kwendawo yokulinda nge-ema-ofisini, iintjhijilo ngoburholi obungazikhandliko nokungasebenzi kwama-ofisi womnyango lo ngeMigqibelo.

Njengendlela yokulungisa umraro lo, umnyango uqalisisa ibalazwe ngomqopho wokuyelelela ukusatjalaliswa kwama-ofisi wawo khona kuzakutjhejwa iindawana ezitlhoga ukulungiswa kukhutjhuwe nezinga lokusebenza.

UNgqongqotjhe uqinisekise ngokuthi, "Sizokuhloma ihlolomaziso lamakhastama, silungise iziko lezokuthintana namakhastama ukobana lisebenze ngokuzeleko, sifumane

ipengu ngamakhastama afika nanyana kunini, ukwelulwa kweendawo zokulinda ema-ofisini, ukwethulwa kwekambiso yokusebenza ngamadlhego kwabasebenzi, ukutjheja irherho elingasebenzi ngefanelo, kukhuthazwe amavakatjho wabhalakada wabaphathi abaphezulu, kuthuthukiswe ukukhamba komsebenzi ngefanelo nokwenza ngcono zokuthintana namakhastama".

Lamahlelo wokusebenza azokusatjalaliswa njengeendlela zokungenelela zesikhathjhana, zesikhathi esiphakathi nezikhathi eside.

UNgqongqotjhe uhlathulule wathi iintjhijilwezi angeze zarululwa ngepengu yamsinyana, ngalokho wakhombela nomphakathi ukubekezela lokha umnyango nawusethula amahlelo la.

UNgqongqotjhe uGigaba uthi, "Sihlala sizibophelele ukwenza ngcono ekulwisaneni nemijeje nanyana kuneenqabo nezinye iintjhijilo nje".

Ngaphambi kokumenyezela kwemiTlamo yokwEnza, umny-



UNgqongqotjhe wezangeKhaya uMalusi Gigaba uthi umnyangwakhe uzokuhloma ihlelo elitjha lokwenza umsebenzi njengendlela yokuqeda imijeje emide.

ngo wethule umbiko wokuhlola ngomnqopho wokufuna indlela engcono yokulawula imijeje nokukhuphula izinga lokusebenza.

Umbiko lo ubale amarherho angakanzini, iindlela zokusebenza ezingakalungi namaqhinga wezokuthintana angakalungelelaniswa ekuzizinto ezibangele ukunganeliseki kwamakhastama nemijeje emide.

NgokukaNgqongqotjhe, amaphuzu alandelako athuwelelise umraro:

■ Ukubhalelwa kulawu-

la kwabaphathi kamanye ama-ofisi

■ Ukunganikelwa kwabasebenzi inani lemisebenzi elanelisako

■ Ukutlhayela kwehlelo lokwenzela amakhastama isibekiselwano sesikhathi

■ Ukungalawulwa kuhle kwemijeje

■ Ukusetjenziswa kanyekanye kwamahlelo wokutlola phasi newemitjhiningqondo yesimanjemanje

• Ukungasatjalaliswa kwama-ofisi ngokutjheja iindingo

• Izwangobatjho emamala

yokupheliswa kwabomazisi abalidlaza abanebhakhowudi.

• Ukutlhayela kwamatshwayo ayikomba ema-ofisini.

Kunama-ofisi womnyango wezangekhaya ali-184 asebenzisa amarherho wemitjhiningqondo yesimanjemanje neenkghudlwana zokusebenzela ezima-411 ngelizweni mazombe.

Ma-ofisi ali-184 kwaphela ekunguwo asebenza ngeembawo nokulandwa kwamakarada wabomazisi namaphasipoti.

Umnyango uvuselela abomakhambangendlwana abama-78 begodu uthemba bonyana bazakusatjalaliswa ngeSewula Afrika mazombe esiquntwini sesibili somnyaka wee-2018. **V**

UTHIBEWUSAZINJE?

Selokhu kwasatjalaliswa kokuthoma aboMazisi abamaKarada ngomnyaka wee-2013, ama-ofisi womNyango wezangeKhaya sele akhuphe aboMazisi abamaKarada abangaphezulu kweengidi ezilithoba.